

"মিষ্টি বাচ্চারা -- লাক্স ( লক্ষ্য ) সাবান দিয়ে আত্মা রূপী বস্ত্রকে পরিষ্কার কর, ভিতরে যেন কোনও ময়লা না থাকে"

প্রশ্ন :- পুরুষার্থী বাচ্চারা কর্মের কোন গুহ্য গতিকে জেনে সদা পুরুষার্থ করতে প্রস্তুত থাকে ?

উত্তর :- আত্মার মধ্যে অনেক জন্মের পাপ কর্মের বোঝা সঞ্চিত আছে, অনেক পুরানো গভীর সংস্কার আছে ; সেসব সংস্কার যোগ ছাড়া পরিবর্তন হওয়া সম্ভব নয় । আত্মা পাপ কর্ম করতে সম্পূর্ণ ময়লা হয়ে গেছে, তাই একে পরিষ্কার করার জন্য পরিশ্রম করতে হবে । স্মরণ ছাড়া পরিষ্কার হবে না । স্মরণে অনেক তুফান ( বাধা ) আসবে, কিন্তু যতই তুফান আসুক না কেন বাচ্চারা পুরুষার্থ থেকে সরে আসবে না, তার মধ্যেই লেগে থাকবে ।

গীত :- আমি একজন ছোট বাচ্চা, তুমি হলে সর্বশক্তিমান ...

ওম্ শান্তি । এখন যারাই এসে বাবার বাচ্চা হয়, তারা নিজেরাই বলে বাবা, আমি এখন নতুন ছোট বাচ্চা । কোনও বাচ্চা ১ মাসের, কেউ ৮ দিনের ; এখানে তো সবাই ছোট তাই না ! নতুন বাচ্চারা বলবে আমরা ছোট । কারও ২০, কারও বা ১৫ বছর হয়েছে । বৃদ্ধি এভাবেই হয়েছে । আত্মারা বলে, বাচ্চা তো হয়েছি কিন্তু ছোট । আমাকেও বর্ষা দাও বা জ্ঞান বর্ষণ কর । জ্ঞান বর্ষণ তো হয় তাইনা ! এনাকেই ভাগ্যশালী রথ বলা হয়, যিনি জ্ঞান গঙ্গা বা জ্ঞান অমৃত আনয়ন করেছেন ; তাঁর অনেক নাম ( মহিমা ) । তিনিই ভাগীরথ, তিনিই অর্জুন আবার দক্ষ প্রজাপতিও তাঁকে বলা হয় । একজনই তো প্রজাপিতা যিনি সবার পথপ্রদর্শক । অনেক বাচ্চা আসে, যাদের বস্ত্র ( আত্মা ) একদম ময়লা পুরানো হয়ে গেছে । ভিন্ন ভিন্ন বস্ত্রে ভিন্ন আত্মা । কেউ এতো জরাজীর্ণ পোশাকে যে ধুলেই ছিড়ে যাবে । বাবা বলেন, এই ধোবিঘাট কত বছর ধরে চলে আসছে, পোশাকের পর পোশাক ধোওয়া হচ্ছে । কারও কারও পোশাক তো এতটাই ময়লা যে, যতই পরিষ্কার করা হোক না কেন কিছুতেই ময়লা দূর হয়না । জ্ঞান রূপী সিটি বাজলেই শতচ্ছিন্ন হয়ে পড়ে । দৌড়ে পালিয়ে যায় । যারা পরিষ্কার হয়না, তারা শুদ্ধ হয়না অন্যদেরও শুদ্ধতা প্রদান করতে অসমর্থ হয় । বুঝে নিতে হবে তার ভাগ্যে নেই । যে নিজে পরিষ্কার হবে সে অন্যদেরও স্বচ্ছ পবিত্র করে তুলতে সমর্থ হয় । এটা হল ধোবীঘাট, আত্মা পবিত্র হলে শরীরও পবিত্র হয়ে যায় । শ্যাম থেকে গৌর হয় । এখন তো সবাই শ্যাম । বাবা তো এসেইছেন পাপী আত্মা থেকে মুক্ত করে তোমাদের সম্রাট তৈরি করতে । বাবা পাপিষ্ঠ আত্মা থেকে সম্রাট - এর সম্রাট তোমাদের বানাতে এসেছেন ।

এই জন্মের ব্যাপারে সবকিছু তোমরা জান, কিন্তু পূর্ববর্তী জন্মের ব্যাপারে তোমরা সম্পূর্ণ অজ্ঞাত । যখন তোমরা অন্যদের কাছে ব্যাখ্যা কর ; আর তারা বুঝেও বোঝেনা, নিজেদের সংশোধন করে না, তখন বোঝা যায় যে তারা অতীতে এতটাই অশুদ্ধ ছিল যে তারা সংস্কার পরিবর্তনে অসমর্থ । ঠিক যেমন গরম তাওয়াতে জল পড়লেই তা শুকিয়ে যায়। ঈশ্বর এসে লাক্স সাবান দিয়ে তোমাদের পরিষ্কার করেন, প্রত্যেকের নার্ভ বোঝেন । বাবা কত সহজ রীতিতে তোমাদের বোঝান । বাচ্চারা

আমাকে স্মরণ করলে আত্মা পবিত্র হবে । নষ্টমোহও ( আসক্তি হীন ) হতে হবে । বাবা হলেন সবচেয়ে প্রিয় ।

দ্বাপর থেকে আধাকল্প ধরে ভক্তরা ভক্তি করেছে, তারাই আবার দেবী দেবতা হবে এটা তোমরা বুঝে গেছ । বাবা বলেন, উঠতে বসতে আমাকে স্মরণ কর, ঠিক যেমন একজন পাত্র ও পাত্রীর আশীর্বাদ হয়ে যায় তখন তারা একে অপরকেই স্মরণ করে তাই না ! এখানে তো কেউ কেউ প্রিয়তম বা প্রিয়তমাকে ছেড়ে পলায়ন করে, কিন্তু যে প্রিয়জন স্বর্গের মালিক বানিয়ে দিচ্ছেন তাঁকেই স্মরণ করে না । এমন কথা আর কেউ বলবে না যে, আমি অজামিলের মতো পাপ আত্মাদের উদ্ধার করতে আসি ; ঠিক যেমন কল্পের শুরুতে করেছিলাম । কারও কাপড় স্বচ্ছ কারও বা ময়লা । স্ত্রী বলে, বাবা আমাকে শুদ্ধ পবিত্র কর, তার স্বামী বলবে আমি তো বিকার ছাড়া থাকতে পারিনা; শুরু হয়ে যায় দুজনের লড়াই। অবলাদের প্রতি কত অত্যাচার হয় । যারা পবিত্র হতে পারেনা নানা ভাবে বিঘ্ন সৃষ্টি করে । সন্ন্যাসীদের তো কেউ বাধা দিতে পারবে না । এমনকী গভর্নমেন্টও তাদের বলতে পারেনা যে , তোমার সন্তানের দায়িত্ব কে নেবে ? এখানে এই কারণ বশতঃ কলহ শুরু হয়ে যায় । একজন পবিত্র হয়তো অন্যজন অজামিলের মতো পাপীই থেকে যায়। যারা ঈশ্বরের প্রতি নিশ্চয় বুদ্ধি হয় তারা কাউকে পরোয়া করে না। তারা সম্পূর্ণ রূপে নষ্টমোহ হতে পারে । (বিনাশী) রাজস্বকেও দূরে সরিয়ে দিতে পারে । ভক্তি মার্গের মীরা তার প্রকৃত দৃষ্টান্ত । ভক্তিমার্গে এমন অনেক দৃষ্টান্ত আছে । এখানে বড়জোর কিছু অনুরূপ দৃষ্টান্ত আছে । হ্যাঁ, কেউ হয়তো বেড়িয়ে আসবে যে বলবে আমি শুদ্ধ হতে চাই । ততক্ষণাত্ বলবে, আমি রাজস্বের পরোয়া করিনা । ঠিক যেমন ঐ রাজারা তাদের রাণীদের পরোয়া না করে ত্যাগ করেছিল; ঠিক তেমনই এখন সেরকমই কিছু রাণী বেড়িয়ে আসবে যারা রাজাকে পরোয়া করবে না । "আমি তো স্বর্গের মালিক হতে যাচ্ছি "।

ভক্তিমার্গে সেই রাজাদের নাম আছে যারা সন্ন্যাস নিয়েছিল । এখন হলো জ্ঞান মার্গ । প্রত্যেকেই তোমরা বুঝতে পারছ যে , কতখানি ধোবী আমি হতে পেরেছি ; কেন উচিত নয় ভালো ধোবী হওয়া ? ধোবীদের মধ্যেও তো নম্বরক্রম আছে তাইনা !

বিদেশে ( বাড়ির বাইরে ) যখন কাপড় ধোয়ার জন্য পাঠানো হয় নিশ্চয়ই ওরা খুব ভালো করে কাপড় ধোবে, এখানেও তাই । কেউ তো শ্রীমতে চলে শীঘ্রই পরিষ্কার হয়ে যায়, তারা নিজেরা পবিত্র হয়ে অন্যদেরও পবিত্র করে তোলে । যখন পুরুষরা পবিত্র হয়না তখন তাদের স্ত্রীদের অনেক অত্যাচার সহন করতে হয় । আজকাল তো খুব সাবধানে চলতে হয়, কেননা প্রতিটি মানুষ ৫ বিকারের শিকার । ক্রোধে বশীভূত হয়েও কত ক্ষতির কারণ হয়ে দাঁড়ায়, তারা বলে বাবা আমি বশীভূত হয়ে পড়েছি । দেহ -অহমিকা চলে আসে, আর তার কারণেই আবার বিকারগ্রস্ত হয়ে পড়ে । নিজেকে দেহী মনে করে বাবাকে স্মরণ না করলে রেজিস্টার খারাপ হয়ে যায় । মনসায় তুফান তো আসবে কিন্তু কর্মেন্দ্রিয় দ্বারা যেন কোনও দুষ্কর্ম না হয় । বাবা বলেন, বিশ্বের মালিক হওয়া কোনও মাসির বাড়ি বেড়াতে যাওয়া নয় । লক্ষ্মী নারায়ণ স্বর্গের মালিক হয়েছিলেন, নিশ্চয়ই কিছু পুরুষার্থ করেছিলেন । বাবা সত্যিই এখানে বসে স্বর্গের রাজা রাণী তৈরি করেন, সুতরাং বাচ্চাদের শ্রীমত ধারণ করে চলতে হবে । শ্রীমত একমাত্র বাবাই দেন, বাকি সব ভূত মত। শ্রীমতকে ভুলে গেলেই আসুরি মতে চলে যাবে আর মায়া আক্রমণ করে মাথা হেঁট করিয়ে লজ্জিত করে তুলবে । নিজেকে চেক করে দেখ আমি কতটা ময়লা ? কুমারকার মতো(দাদী প্রকাশমণি জী) ভালো ভালো

বাচ্চারাও রয়েছে, যারা ভালো সার্ভিস করছে। মতো সার্ভিস করে । বাচ্চারা মল মূত্রে ক্লেদাক্ত ময়লা কাপড় ধুয়ে অন্যদের ৫ বিকারের উপর জয়ী হতে সমর্থ করে তোলে । মন্দ আত্মাও কিছু আসে যারা নামকে বদনাম করে দেয় । নোংরা, দুর্গন্ধময় যারা তাদের খোড়াই বি কে বলবে ! তাদের রেজিস্টার সম্পূর্ণ রূপে খারাপ হয়ে যায় । বাবা পরিষ্কার করার জন্য আঁচাড় মেরে মেরে কত চেষ্টা করেন। তিনি বলেন -- বাবাকে স্মরণ করলে পোশাক পরিষ্কার থাকবে নয়তো আবার ময়লা হয়ে যাবে । ধারণা না হলে বুঝতে হবে যে , আমি কতটা ময়লা! পূর্ববর্তী জন্মে নিশ্চয়ই খুব ময়লা ছিলাম । লজ্জা হওয়া উচিত । পুরুষার্থ না করলে নোংরাই থেকে যাবে, যোগ্য হতে পারবে না । তোমরা এখানে আস যোগ্যতা অর্জনের জন্য । যদি পরিষ্কার হতে পার সূর্যবংশী বা চন্দ্রবংশী হতে পারবে । বাবা বেহদের ( অসীম, অনন্ত ) বিশাল বুদ্ধি দিয়েছেন । সারা দুনিয়ার সৃষ্টি চক্র সম্পর্কে তোমাদের জ্ঞান হয়েছে । লোকে বলে - হে পতিত, পাবন, তিনি নিশ্চয়ই একজনই হবেন ; যাকে স্বর্গের গডফাদার বলা হয় । তিনি হলেন নিরাকার ।

৫ হাজার বছর হয়ে গেছে যখন এই ধোবীঘাট খোলা হয়েছিল । বাবা বলেন, ৫ হাজার বছর পর -পরই আমি ভারতে ধোবীঘাট খুলে থাকি ।

যোগ দ্বারা তোমরা চির পবিত্র হয়ে যাও, তারপর ২১ জন্ম তোমরা আর পতিত হবে না কারণ ওখানে মায়ার প্রবেশাধিকার নেই । পবিত্র না হলে তোমরা বৈকুণ্ঠে যেতে পারবে না। প্রজা তো অনেক হবে কিন্তু তাতে তোমাদের রাজি হওয়া উচিত নয় ।

গীত আছে : তুমি মাতা -পিতা আমি বালক তোমার । তোমার কৃপায় রাজস্বের সুখ পাব, প্রজার সুখ নয়। এটা তো হলো দুখধাম , বিত্তবান কিছু আছে নিশ্চয়ই কিছু ভালো কর্ম করেছে । এ হলো লৌকিক রাজত্ব ; স্বর্গ হলো পারলৌকিক রাজত্ব । তোমরা বাচ্চারা জান উভয় রাজত্ব তোমরা কি ভাবে পাও । বাবা বলেন, আমার শ্রীমতে চললে ২১ জন্মের জন্য কোনও সাজা তোমাদের ভোগ করতে হবে না । এমনটা নয় যে, কাজকর্ম সব ছেড়ে দিয়ে এখানে বসে থাকবে । তোমাদের সম্ভানদের লালন - পালন করতে হবে, কারণ তোমরা তাদের সৃষ্টি করেছ । ব্যবসায়ে লাভ কিংবা লোকসান তো হতেই পারে । সত্য যুগে হলো প্রালঙ্ক, ওখানে লোকসানের কোনও ব্যাপারই নেই । এখানে তোমরা শ্রীমত দ্বারা এতো লাভ কর যে, ২১ জন্মের জন্য কোনও লোকসান তোমাদের সহিতে হবে না। সম্পূর্ণ জ্ঞান না হলে নিচু পদ লাভ করবে । শ্রীমত অনুসারে চললে নষ্টমোহ হওয়ার সাথে সাথে উঁচু পদও প্রাপ্ত করবে । তারা সম্মানিত এখানেই হবে । নম্বর অনুযায়ী রাজত্ব প্রাপ্ত করতে হলে পিতা - মাতাকে অনুসরণ করা উচিত । মাতা - পিতা শিক্ষা গ্রহণ করেই তোমাদের তা প্রদান করছেন । বলেন, শ্রীমতে চলো , বিকারগ্রস্ত হয়োনা । সতর্কতা অবলম্বন কর। অনেক যুক্তি দিয়ে বোঝান বাবা । বাবা অবিনাশী সার্জন, বাকি তো সবাই রুগী। তোমরা তাদের সাহায্যকারী হও। তোমরা নম্বর অনুসারে অ্যাসিস্টেন্ট সার্জন । সবচেয়ে তীক্ষ্ণ অবিনাশী সার্জন একজনই শিববাবা । সার্জনের ( শল্য চিকিত্সক ) মধ্যেও নম্বর অনুযায়ী আছে তাইনা ! কেউ তো লক্ষ টাকা উপার্জন করে, কেউ বা অনাহারে থাকে । কেউ যখন চলতে চলতে বাবার হাত ছেড়ে দেয়, তবে বলা হয় যে, ছিঃ ছিঃ এ তো নোংরা অপবিত্র পোশাক । অনেক জন্মের পুরানো সংস্কার এমনভাবে আকর্ষণ করে যে, জ্ঞান ধারণে অসমর্থ হয় । জ্ঞানের রঙ তাদের রঙিন করে তুলতে পারেনা । এটাই হলো ড্রামা । বাবা আসেনই সুখ দিতে ।

সাধুদেরও নির্বাণধামে তাদের নিজ সেকশনে ( বিভাগ ) পাঠিয়ে দেবেন । ভারতের যে আদি সনাতন দেবী দেবতা ধর্ম ছিল তা প্রায় বিলুপ্তির পথে। নিজেদের ধর্ম কর্ম দ্বারাই ভ্রষ্ট হয়ে গেছে ।

দেবী দেবতা বলার মতো কেউ নেই । তাদের অস্তিত্ব লুপ্ত হয়ে যাওয়ার কারণেই আমি এসে আবার তা স্থাপন করি । নিশ্চয়ই অন্য ধর্মের আত্মাদেরও ফিরিয়ে নিয়ে যেতে হবে। মানুষ মুক্তিধামেই যেতে চায় । বাবা বলেন, আমি এর জন্যই এসেছি, সুতরাং বাচ্চারা নিজেদের জিজ্ঞাসা কর আমরা কি এতটাই পতিত ছিলাম যে, জ্ঞান ধারণে অসমর্থ হয়ে গেছি ?

যদি অসমর্থ হও, মাঝা বাবার সিংহাসনে বসতে পারবেনা ; তোমাদের দাস - দাসী হতে হবে । বাবা বলেন, আমি পতিতদের পবিত্র করতে এসেছি এই শরীরের ( ব্রহ্মা বাবার ) আধার নিয়ে । এ ছাড়া পতিতদের পবিত্র কি ভাবে করব ? তোমরা বলতে পার বাবার দ্বারা আমরা দেবী দেবতারা পবিত্র হচ্ছি, এখনও সম্পূর্ণ হইনি তবে পুরুষার্থ করছি । শ্রীমত অনুসারে চলে শ্রেষ্ঠ হতে হবে, এই জ্ঞান বাবাই এসে দিয়ে থাকেন । নলেজফুল এক গডফাদারকেই বলা হয়। উনিই সারা ব্রহ্মান্দ , মূলবতন, সূক্ষ্মবতন , স্থূলবতন, সৃষ্টির আদি মধ্য অন্তের খবর এসে জ্ঞাত করান। তোমরাও নলেজফুল হও । কিছু তো নলেজফুল হয়ে যায় কেউ আবার ধারণা গ্রহণে অসমর্থ হয় । বুঝবে যে ভাগ্যে নেই । ভালো বাচ্চারা তীব্র পুরুষার্থ করে, বাকি ঘর পরিবার তো সামলাতেই হবে । শুরুতে এদের ১৪ বছরের ভাটি ছিল । কাপড় ( আত্মা ) ধুতে ধুতে কত পরিষ্কার হয়ে গেছে । কেউ নির্মল, স্বচ্ছ পবিত্র হয়েছে কেউ বা নোংরাই রয়ে গেছে । আজকাল তো ভাটিতে অল্প কিছু সংখ্যক সাতদিন থাকতে সমর্থ হয় । শুরুতে সম্পূর্ণ ভাটি হত । ভাটি না হলে তোমরা প্রস্তুত হবে কি করে ? ইট পোক্ত হয় যখন ভাটিতে পোড়ানো হয়, নরম কাঁচা ইট ভেঙে পড়ে বাকি ইট মজবুত হয় । এখানেও ঠিক তাই, শ্রীমত অনুসারে না চলে অনেক কাপড় ( আত্মা ) ছিন্নভিন্ন হয়ে যায়, পরিষ্কার হয়না । এখন তোমরা আত্মারা পরমপিতার সাথে যুক্ত হও । শিববাবা বলেন, আমি চির পবিত্র। আমাকে স্মরণ করলেই তোমরা পবিত্র হতে পারবে । গৃহস্থ পরিবারে থেকেই এটা অভ্যাস কর । বাধ্য বাচ্চারা শীঘ্রই এটা অভ্যাস শুরু করে দিয়ে, খুশিতে উচ্ছল থাকে । রাত্রি জাগরণ করে আত্মাকে পরিষ্কার করে তোলে । তারা বিশ্বাস করে পবিত্র হলেই পবিত্র পোশাক পরিধান করতে পারব । বাবা বলেন , নিদ্রাকে জয় কর । বাবাকে স্মরণ করলেই আত্মা পবিত্র হবে । অমৃত বেলা সুন্দর মুহূর্ত । বাবার উপদেশ -- ঐ সময় তোমরা তাঁকে স্মরণ কর, ঘুম পেলে চোখে তেল লাগিয়ে নাও । অর্থাৎ পুরুষার্থ কর । শ্রীমত দ্বারা বাবাকে স্মরণ কর। যতই মায়ারূপী তুফান আসুক না কেন, বাবাকে স্মরণ কর । আচ্ছা -

মিষ্টি মিষ্টি হারানিধী বাচ্চাদের প্রতি মাতা -পিতা বাপ দাদার স্নেহপূর্ণ স্মরণ আর গুডমর্নিং । রুহানী বাবার রুহানী বাচ্চাদের প্রতি নমস্কার ।

ধারণার জন্য মুখ্য সার :-

১) শ্রীমতে চলে সম্পূর্ণ নষ্টমোহ হতে হবে। যুক্তি সহকারে সংযমী হয়ে চলতে হবে । রেজিস্টার খারাপ করা উচিত নয় ।

২) নিদ্রাজীত হয়ে অমৃত বেলায় বিশেষ আত্মাদের পরিষ্কার করার জন্য বাবাকে স্মরণ করতে হবে । জ্ঞান - যোগ দ্বারাই আত্মা পবিত্র হবে ।

বরদান :- সদা সাক্ষী স্থিতিতে স্থিত হয়ে, নির্লেপ ( লেপহীন ) অবস্থাকে অনুভব করতে সমর্থ সহজযোগী হও

যে দেহ সম্বন্ধ আর দেহ থেকে সাক্ষী অর্থাৎ আলাদা, সে এই পুরানো দুনিয়াকেও সাক্ষী রূপে পর্যবেক্ষণ করতে সমর্থ হয় । সম্বন্ধ সম্পর্কে এসেও আলাদা অথচ সবার প্রিয় হয়ে ওঠে । এই স্থিতিই সহজযোগী অনুভব করতে সমর্থ হয় । একেই বলে সাথে থেকেও নির্লিপ্ত থাকা । আত্মা নির্লেপ হয়না কিন্তু দেহী - অভিমানী স্থিতিই নির্লেপ অর্থাৎ মায়ার লেপ বা আকর্ষণ থেকে মুক্ত । এই স্থিতিতে স্থিত হলে মায়া রূপী ভীর থেকে নিজেকে রক্ষা করতে সমর্থ হয় ।

স্লোগান :- শুভ ভাবনা আর শুভকামনা দ্বারা সূক্ষ্ম সেবা করতে সমর্থ যে হয় সে-ই হল মহান আত্মা ।